0.0.1 nandakasuttam

ekam samayam bhaqavā vesāliyam viharati mahāvane kūtāgārasālāvam, atha kho nandako licchavimahāmatto yena bhagavā tenupasankami. upasankamitvā bhagavantam abhivādetvā ekamantam nisīdi. ekamantam nisinnam kho nandakam licchavimahāmattam bhagavā etadavoca: catūhi kho nandaka, dhammehi samannāgato ariyasāvako sotāpanno hoti avinipātadhammo nivato sambodhiparāvano. katamehi catūhi: idha nandaka, ariyasāyako buddhe ayeccappasādena samannāgato hoti: "itipi so bhagavā araham sammā sambuddho vijjācaranasampanno sugato lokavidu anuttaro purisadammasārathī satthā devamanussānam buddho bhagavā"ti. dhamme aveccappasādena samannāgato hoti: "svākkhāto bhagavatā dhammo sanditthiko akāliko ehipassiko opanaviko paccattam veditabbo viññūhī"ti. saṅghe aveccappasādena samannāgato hoti: supatipanno bhagavato sāvakasaṅgho, ujupatipanno bhagavato sāvakasangho, ñāyapatipanno bhagavato sāvakasangho, sāmīcipatipanno bhagavato sāvakasangho, yadidam cattāri purisayugāni atthapurisapuggalā esabhagavato sāvakasangho āhuneyyo pāhuneyyo dakkhineyyo añjalikaranīyo anuttaram puññakkhettam lokassāti. " ariyakantehi sīlehi samannāgato hoti akhandehi acchiddehi asabalehi akammāsehi bhujissehi viññuppasatthehi aparāmatthehi samādhisamvattanikehi. imehi kho nandaka, catūhi dhammehi samannāgato ariyasāvako sotāpanno hoti avinipātadhammo nivato

sambodhiparāyaņo.

2. imehi ca pana nandaka, catūhi dhammehi samannāgato ariyasāvako āyunā saṃyutto hoti dibbenapi mānusenapi. vaṇṇena saṃyutto hoti dibbenapi mānusenapi. sukhena saṃyutto hoti dibbenapi mānusenapi. yasena saṃyutto hoti dibbenapi mānusenapi. ādhipateyyena saṃyutto hoti dibbenapi mānusenapi. taṃ kho panāhaṃ nandaka, nāñnassa samaṇassa vā brāhmaṇassa vā sutvā vadāmi. api ca yadeva mayā sāmaṃ ñātaṃ sāmaṃ diṭṭhaṃ sāmaṃ viditaṃ tadevāhaṃ vadāmīti. evaṃ vutte añnataro puriso nandakaṃ licchavimahāmantaṃ etadavoca: "nahānakālo¹ bhante, "ti. "alandāni bhaṇe, etena bāhirena nahānena. alamidaṃ ajjhattaṃ nahānaṃ. bhavissati yadidaṃ bhagavatippasādo"ti.

pts page 390 ¹nahānakālo-syā. bjt page 216